

pariàne...

'na rógia 'ndén boàl
la ronca pan pianin
dešqòerge 'l cròz al vò
e 'l ciel šmamì che taše

parole mai dišèšte
che 'ntàcola de raša
salgàri 'mpašionadi
sul rìo che mai se pòlša

pensieri seboìdi
che se stiróna dént
de ùa pién le congial
a rampegàr sul tó

vanégie 'mpituràde
dal spenelàr del sol
profumi de castègne
e mósto ancór sul bói

tùt tórc se šnébia, arzènt
trìsar de grìs la val
calìva sfànta i šgiànzi
scondèndo stó bèl dì

lontan sòn 'de campana
che ciàma 'l vèndro 'n géšia
e l'umegàr del tèmp
compagna 'l sol a cùcio

coltrìne 'nnanzi ai òci
ombrìa sul dì che žéde
scondùdi al scùr 'nté stùà

scaldarse sói, el cör

pariàne...

susùra 'l vènt,
arènt pù tèndro

Giuliano

Questo/a opera è pubblicata con una Licenza Creative Commons

